

## KOLKATA MIZO STUDENTS' EXECUTIVE MEETING VAWI 9-NA NEIH A NI.

Kolkata Mizo Students' Executive Committee 2013-2014 vawi kua na leh a tawp ber na chu Salt Lake, Mizoram House lamah neih a ni a. Hemi rual hian KMS bungrua te tihfel hnatlang neih nghal a ni.

Committee tan hmian Kolkata Mizo Students' te'n bungrua kan neih ang te en fel niin; heng kan bungrua te hi fel taka chhinchhiahin, uluk takin kan vawng tha thin a. Hetianga bungruate uluk taka kan enkawl a, kan dim dawih thin hi KMS Executive Committee chu a lawm tak meuh a ni.

KMS Executive Committee chuan 'KMS Quiz' kan hman tak kha thlirletna hun neih a ni a. Hlawkthlak a tiin, tihfo chiah a ngai a. A vawikhatna a nih avangin tihsual leh tih fuhloh tam tak awm mah se, membrete'n kan hlawkpui tlang niin a ngai.

North East Sports' thlirletna hun neih a ni a. Member te inpekna leh thawhho thatna avangin tha takin kan zo thei a. Mahni tha leh zung, hun leh sum seng tu te chungah KMS chuan lawmthu a sawi tak meuh meuh a. Kumdanga kan tih leh zelna turah pawh theitawpa KMS tana thiamna leh finna, tha leh zung te thawh turin KMS Executive Committee chuan min beisei baw a ni.

Dt. 29.03.14 a KMS Parting Social cum General Election neih tura lo rel tawh chu ennawnin, he hunah hian member te kal theuh turin KMS Executive Committee chuan min beisei a ni.

### *Lawmthu*

Mizoram Professional Footballer Association (MPFA) in Santosh Trophy Final Mizoram VS Railways a hmuna kan en theihna turin kalna man tur min tum sak a. Siliguri lama inkhel en a kal te an lawm hle a ni.

### *PARTING SOCIAL CUM GENERAL ELECTION*

Kum tina kan lo tih thin dan angin Kolkata Mizo Students' chuan Kolkata Mizo Student-te tana tha leh zung, ngaihtuahna tam tak lo seng thin te thlahna hun leh hruaitu thar thlanna hun chu ni Dt. 29.03.14 hian neih a ni dawn a; Hun hlimawm tak hman ho a ni baw ang. He hun hi member te'n i ngai pawimawh theuh ang u. He hun hi tlailam dar 3:00 a tan tur a ni a. Hun ruat hi ngai pawimawh hram ang u.

Hemi ni hian kum 2014-2015 chhunga Kolkata Mizo Students' hruaitu thlan tur a nih avangin member-te kal theuh turin kan inngen e.

He hunah hian Kolkata Mizo Students' Documentary Film a siam chu release nghal a ni dawn a. Documentary Film release-na hun hi ngai pawimawh ang u. Documentary Film kan siam atang hian 'Eng ang takin nge KMS hi a lo kal?' tih i hriat duh chuan he hun ruatah hian lo kal ang che.

*Kolkata Mizo Students' vul zel rawh se...*

Visit Kolkata Mizo Students at: [www.kolkatamizostudents.weebly.com](http://www.kolkatamizostudents.weebly.com)

### *Tualchhung...*

Khua in lum lam a pan mek a mimal tin te kan in enkawl uluk a tul hle, tlang hrileng lakah kan him zawk theihnan kawngsir thil ei mai mai loh a tha a tin kan khawsak phungah pawh fimkhur a ngai hle.

Dt.08.03.14 khan kan member thahnem takte chu Santosh Trophy Final khel tur Mizoram Football team-te an han tawiawm a, buaina leh harsatna tawh loin tluang takin Kolkata an rawn thleng leh.

Dt.11.03.14 khan Mizoram team-te chuan Ballygunge House an rawn thleng a, a tuk Dt.12.03.14 khan Mizoram an pan a, ropui takin an lo hmuak a ni.

Kan member exam nei mek leh nei turte kan awm a result tha tak an neih theih nan duhsakna sang ber kan hlan a ni. An thiamna leh finna te KMS tana hmang zel turin kan beisei baw a ni.

Tunhnaih hian state danga hmarchhak mi awmte'n chi leh chi inthliarna lam kawngah te, khawsaknaah te leh hnathawhna kawngah harsatna tam tak an tawh mek a. Hetiang thil hi keini kuaah chuan tawng lovin tluang takin kan la cheng ho thei a, a lawmawm hle a ni. Mahni rama cheng kan nih loh avang hian, nun danah i fimkhur theuh ang u.

*Thawhona tha chuan  
chakna a pe thin...*

# CHUALO

Estd. May, 2004

Editor : ahooma  
 Joint Editors : Laltlanzova Darnawn  
                   : Lalruatkima  
                   : Vanlalpeki Ralte  
 Patron : Alex Rosangluaia

Zirna Huang...

## PHOTOSHOP...!!!

- Valpix

A hmasain Photoshop chu kan hre theuh awm e, Computer-a thlak edit-na a nimai a, a hman dan hria leh hre lem lo pawh kan awm ngei ang, a thenin kan thiam deuh ang a, a thenin kan thiam sawlh sawlh ang a, a then chuan a mik a mak pawh kan hre kherlo thei tho a ni, engpawh chu lo ni se hlawkpuina hmutu kan awm mial dah lo'ng maw tiin a hman dan Basic tlem han sawi ila.

Photoshop lo pawh hi thlak edit-na hmanrua tam tak a awm tho a. Tunah chuan avaiin kan sawi theih dawn loh avangin Photoshop bik hi lo thlur bing dawn teh ang.

A hmasaberah chuan Computer kan han On Khan Desktop-ah Photoshop Icon a awm chuan kan click ang a, a awm kherlo anih pawhin Computer Programme atang pawhin a luh theih tho bawk a ni (mahse kan Computer-ah Khan Photoshop Install angai), tichuan kan lo hawng ta a, kan thlak edit duh kha kan la lut dawn ta a ni. Photoshop chungah Khan File ah kan lut ang; hetiangin. File + open. Tichuan kan thlak duh awmna Drive ah kan lut anga chutah Folder-ah kan lut leh anga thlak kha kan select anga chuan Open (Enter) kan click tawh mai dawn a ni. Tichuan, thlakchu edit turin a lo inchhawpchuak anga, i duh danin i sawngbawl tawh mai dawn ani. Entirnan: Black and white in ilo dah duh ta a. Hetiangin: A chung tlangah tho Khan Image + Adjustment + Desaturate tichuan i thlak chu a lo black and white mai dawn a ni. Chu chu i save tawh mai dawn a ni. A save dan pawh Ctrl + Shift + S kha a ni mai a, chuan select tur hrang hrang Save location-te, thlak Format-te a lo awm a nga, thlak chu i duhna drive/ folder-ah i select phawt ang a, chuan thlak format kha Jpg, Png, Gif, Tiff.etc a nih a ngai a ni. A tlangpuiin Jpg hi hman lar a nih angin Jpg hmang ang che. Chuan enter i hmet ang a, a dang a lo lang leh ang a, Jpeg option tih a lo lang ang. Image quality kha i duh ang a sangin i dah ang a, chuan enter i hmet ang a, thlak chu a lo in save mai dawn a ni.

A dawt lehah chuan Colour Balance lo en leh ila... Image + Adjustment + Color Balance. Tichuan i duh ang in a colour chu i adjust thei tawh ang.

( Issue lehah chhunzawm a ni ang... )



## Lungthu *Enkawltu Kamliam*

Hmanlai hian mizo pa hian in a sa dawn a. A in bang leh chung vel engkim a sak zawh hnuin a eirawngbawlna tur thuk a siam leh ta a. Thuk a siam dawn hian lei an chhung khawm te te a, chu a lei chhunkhawm chu uluk takin an chhu muk leh a; chumi hnuah chuan bel vel a chhuan na tur lung a phun leh dawn a ni.

Chu a thil chhuanna atana a hman tur lung chu pathum inangtlang deuh deuh a thlang anga, chung lung pathum te chu awmze nei taka remkhawmin a phun anga, chumihnuah chuan bel vel a chhuan theih tawh dawn a ni. Chu lung pathum a phun khawm chu a hmingah 'Lungthu' an ti thin.

Chung Lungthu te chuan pawimawhna an nei vek a. Pawimawh lo bik emaw, hniam ta bik emaw sang ta bik emaw an awm lo! An vai chuan a inang thap vek a, a khawi emaw ber kha tha bik emaw chhe bik emaw a awm lo a ni.

Heng Lungthu te hi Kolkata a pawl hrang hrang te hi ka tehkhin thin. Kolkata Mizo Students', Calcutta Mizo Welfare Association, Calcutta Mizo Christian Service te hi. Heng Kolkata a Mizo pawl pathum awm te hi Kolkata a mizo awm khawmte min hruai khawm a, min thui khawm a, min awp bet tlattu te an ni.

He pawl pathum awm te pawl kalphung leh tihdan phung chu a danglam hlawn tih chu kan hre vek a, a hmu tute kan ni. Amaherawhchu, heng pawl pathum te hian pawimawhna hrang hrang an nei a, Kolkata mizo awm te min phuar khawmna leh inunauna tha kan neih theihnana hmanraw pawimawh an ni.

He pawl pathum hi lungthu angin lo tehkhin ta ila... eng pawl emaw ber hi lo sang ta bik se la Kolkata Mizo te chhuankhawmna bel hi a chhuan theih loh anga, kan inunauna leh kan inpawhna hi a tha thei dawn lo a ni. Chuvangin, Kolkata Mizo te kan in lungrua a, kan inpawhna a that theihna tur chuan pawl hrang hrangte hi kan thawhona a that a ngai a ni.

He kan awm mekna khawpui, hnamdang khawpui cheng mizo te hi uihum zat lek pawh ni mah ila kan tanrua chuan kan chak dawn a ni tih hre theuh ang u. Tuikuk thufing pawhin, ' Pakhat ai chuan pahnih an tam zawk a, pahnih ai chuan pathum an tam zawk..' a tih kha hre reng ang u... **RK**

*Article:***SANTOSH TROPHY A HMUNAH NGAT!!****- Alex Khawhling**

Indian Football Association (West Bengal hi India Football lama state ropui hmasa an nih avangin 'IFA' tiin an sawi thin a. India ram pum pui a Football intelkhawm hi 'AIFF' tiin an sawi thin) in an President Manmatha Nath Roy Chowdhury (L) hriatring nana India State hrang hrangte tana football inelna an buatsaih 'SANTOSH TROPHY' hi kum 1941 atang khan an lo khel tan tawh a, state leh state bakah Department lian a Football team te inelna a nih avangin an ngai hlu thin hle. 'Santosh Trophy a hmunah ngat' tih ka ziahna hmun BENGAL (West Bengal) hi champion hmasa ber an ni nghe nghe a. Kei pawh he inelna hi a hmunah ka en ve ngei tawh a, a ropui ka ti hle.

Mizoram team-in final a luh chuan a hmun ah ka en ve ang tiin ka inbuatsaih a, North Bengal Siliguri-ah an khel avangin en chu ka tum ruh ve hle mai. Tichuan an khel chho ta zel a, semi-final-ah 3-1 in an chak tih ka hre ta. Hemi ni hi zirtawpni a ni a, thil dang kan buaipui avangin a hmunah en ve ka tumna chu ka lo theihngihl nge ka lo tum tak tak lo? Pathianni zana final khel tawh mai tur a nih avangin a kalna tur chu ngaihtuah hmanhmawh a ngai tawh. Ka awmna hmun atang chuan rail ticket emaw motor(sumo) min laksak thei tur ka hriat hriat ka be kual a, chutia ka tih kual lai vel chuan zan dar 9:30 a ri ta der mai.

***Cheng singli hmu chhuak rang thei...***

Final meuh thleng Mizoram team chu kei chauh lo pawn en duh leh en chak an lo awm ve tho mai. Thianpa Zuliasa hian bus hire tur a hriat thu a sawi rual chuan a awmna hmun panin kan liam phei ta lawp lawp a. Kan thleng ta! Bus hire man chu kal lam leh haw lam atan cheng singli a ngai an ti ta mai a! Ka thianpa chuan lu thak miah lovin a lu a hiat ta tlat pek a, a to a ti rilru tih ka chiang. Mi 52 thutna leng a nih tih kan hriat hnu chuan zanlai dar 12 hmian kan ti chiang dawn nia tiin kan kal ta a. Hlauthawng leh kal theihloh hlauvin zan dar 10:30 chuan Kolkata Mizo Students' Official Facebook Group-ah thiam tak mai leh mi pakhatin a chawi zat tur chu a post ta. Sana a chek a, hun a kal a.. darkar khat a han liam meuh chuan mi 52 thutna luah khat thei tur chu kan hmu ta mai a, cheng singli chu kan post chhuak a nih chu!

***Vai darkar 13 leh a behbawm....***

Volvo Bus (WB 53B 0193) chu Siliguri pan turin ni 8, March tlai dar 5 chuan a chhuak ta a. Km 609 lai a nih avangin kan thutna pawh kan thlang fimkhura, a fuh vak lo phei chu bus chung an tauh zeuh zeuh a nih kha. "Executive Class" tiin thianpa Zuliasa leh Zualtea hian driver hnung thutna 3 awm chu an vuaha, darkar 13 a ral chuan km 300 bawr ala awm.

AMAK NGEI MAI tih bakin a chuang ning ho chu chhan ngaihna kan hre tlat lo. He trophy kan chawi theihna tura kan kal lai khan kan nunphung kan zuk hlauh vek a maw le! Zingkar zun chhuak ngai hleilo an zunga, dar 9 rik a puri sabjii ei chak tlat te, zingkar thingpui in hunbi nei te, khuang vua a zai duh tlat te kha kha bus kan chuan chhung darkar 42 khan kan awm nawk nia. Ngaihawm ber mai chu inthiartur te kawngkhar a kan list te kha a ni awm e. Tichuan Santosh Trophy 2013-2014 Final chu Siliguri ah en turin kan thleng ve thei hram mai.

***Kanchenjunga Stadium leh a chhehvel...***

Kan bal mai a ni tawh lo, kan chhah vek tawh ni berin a lang. Ni 9, March tlailam dar 3:30 a ni tawh a; banner siam chawp tur kan la nei bawk nen... Vanneihthlak takin kan hmelhriat pakhat mizo hian an hotel thlennaahrawn insil dai r'u a tih avangin mi panga vel chu kan kal a. Kan fai em tawh avangin stadium chu kan lut ve ta rup mai. Khawpui lian zawk atanga kal kan nih avangin a chhunga vai chu kan ngam sarh mai a. Inkhel an tan ta... mizo 200 bawr velin Mizoram tan theih tawpin kan au va." Kawrsen ha.. kawrsen ha.. Zoram tana kawrsen ha..", "Mizoram... Mizoram... Mizoram", "Vul reng rawh,ka pianna zoram nuam", "Lalpan thil ropui min tih sak e", ti a kan au leh kan sak te kha rilruin a vawng reng tawh si. Kan kal chhan tak mai 'TROPHY' kan hawn dawn tih hamrik a rik khan lawm avangin a hmunah kal mizote kha kan hnuk a ulhin kan lung a chhe hlawm hle bawk.

He hlawhtlinna ropui tak a vawikhatna atana Mizoram Football Team-in a chang hi mizo mipui zawng zawng kan hlimin kan lawm a, a ropui a, min hruaitu Pathian chungah lawmthu awm mawlh rawh se.

## Santosh Trophy

Nova hunlai, Tuilet hnu a vawikhatna atan Mizoram chuan Santosh Trophy nomawi kan chawi ta! Mizoram chuan Santosh Trophy 2014 ah Railways chu Final-ah si thum faia hnehin kan champion ta a ni.

Kum 2014 Santosh Trophy champion Mizoram hian Dt.11.03.14 khan Kolkata Mizoram House an lo thlang a. Mizoram House Additional Resident Commissioner leh KMS Ex-Officio Pu Talo Rosanga chuan Champion team hi zanriah a kilpui



Kolkata Mizo Students' chuan Mizoram Team te hi Ballygunge Mizoram House-ah thilpek hlanna neih pahin inkawm khawmna hun tha tak leh hlimawm tak an neih pui nghal bawka a ni.

He an inkawmna hunah hian Mizoram Team te chuan Kolkata atanga an mahni tan tura kal te chungah lawmthu an sawi tak meuh meuh a. Kolkata leh hmun hrang hrang atang leh Siliguri atanga inkhel en tura mi tam tak pung khawm leh anmahni fuihpur leh au tura kal te khan chakna leh chona an pe a ni tiin an sawi.

Tun tuma Mizoram Team te hi an thlan dan pawh kum dang ang lo takin MFA hnuiaia Technical Committee te leh Manager leh Coach ten MPL team hrang hrang atanga a tha ber tura an ngaih te chu inrawnkhawmin an thlang a. MPL Club hrang hrang atangin Chandmari FC 6, MAP 6, Dinthar FC 5, Aizawl FC 2, Luangmual FC 1 atangin an thlang a. Chung an thlante chu kum dang zawng aia thaa an tih theihna turin Rajiv Gandhi Stadium, Mualpuiah tha takin training an neih pui a ni.

Club hrang hrang lakkhawm an nih avanga buaina an tawh leh tawh loh zawhna chu Manager in chhangin, "E.. chutak chu kan lawmna a ni. A awm miah lo a, tin, a engemaw deuh a, Club bil anga thlalak hran ang pawh kan phal lo a ni." tiin a sawi. An nau te chu fakin, "An inpekna leh an tumruhna a nasa a, enkawl pawh an nuamin, naupangchhia ang maiin thuawih takin an awm thei a, chu chu kan chakna hnar pawh a niin ka hria." a ti. Final dawn phei kha chuan player te phone laksakin, Lunch ei lai darkar khat chia an pe chhuak a. Final khel dawn pawhin stadium-ah a ak lut ruhi mai a ni.

# Santosh Trophy Final kan han en chu kan tang tlang bawkan aniang, kan editor pawh a hmai a fual vek!

**-Jt.Editors'; Chuailo**

# Ka in resign dawn! ka awm loh hlanin last committee an lo nei vel nia....

**-Temami@ Tresurer**

# I hmelah chuan Mapui (Zozial) i mawh tih kan hre tho mahse inti mawh suh a zahthlak.

**-Aluaia@ President**

# Inkhel en zawh tawh hnu haw hma siin Mr. President in min thlim.

**-Zualtea @ Social & Cultural**

# Zonet Cable TV hmaah ka interview tih hria ila chu ka zia ka thup then ang.

**-Zuliasa @ V. Pre.**

# Inkhel en tura kan kal lam kha chu ka nite a ni ve chiang alawm.

**- Joseph @ Salt Lake**

# Inkhel ka en avanga vanram ka kai lo a nih chuan Group dang Leader te pawh an kai bik lo'ng e!

**- Samuel Ngente**

# "Hei thirban bul kan thleng chiah...!"

**- Dumdumtea Nu**

# Keini chhungkua chauh hi nghah reng ngai bik kan ni lo a nia....

**- Mafela @ Kestopur**

# Chaw eikhawm an tih a piangin ngatinge kan chhungkua hi kan tel ve ziah le..?

**- Temami te chhungkua**

Final-a Pressure awm leh awm loh chungchang zawhna chu Team Captain leh Finala Goal hnih thun tu Zico chuan chhangin, "Awm lem love.. Team official te leh player te chungah pawh a awm lo. Keimahni game pangngai takin, normal deuhin kan khel thei a ni." tiin a sawi. Manager chuan Pressure chungchang hi sawibelhin, Final ai chuan semi final-ah a san zawk thu a sawi a. A chhan pawh Final luh leh luh loh inkar a nih bakah; TV lama live a pekchhuah a nih avangin tan a nat bik thu a sawi.

Team inngahna ; "Min au la, ka chhang ang che, thil ropui leh inthup i hriat ngai loh chu ka entir ang che" - **Jeremia 33: 3**